

2 CORINTIOS

Ate queti, tɔo ɥjea niirica wāmeɸɸ, Pablo, cū yee maquēre díamacū cū ca ĩrique nii. Ména Corinto macārã pea Pablo ɸuaro cū ca tɔgoeñarique paio cūre tii nɸnɸa waaupa. ĩcārã Corinto macārã Jesucristore ca tɔo nɸnɸjeerã, Pablo, Jesús yee quetire wede doti cojoricɸ cū ca niirijere, “Yee ĩmi,” ĩi jɸo waaupa.

To biro cūja ca ĩriquere tuti jañuri cūjare cū ca wede majiorique nii. To biro cūjare ĩicã, ñucã mɸjare yɸ mai jañu, cū ca ĩrije mena, tɔgoeña ɥjea niiricaro tii ate queti.

To biro cūre cūja ca ĩi coterique to ca nii pacaro, “Añurucu” ĩi tɔgoeña queno, ñucã Corintios cāa to biro cū ca ĩricarã nii pacarã cūre cūja ca mairiquere wede nɸnɸa waa. Cū ca owa jɸorucurore birora tiigɸ (1.1-11), Corinto macārã Jesús're ca tɔo nɸnɸjeerã mena cū ca biiriquere wede yapano, ñucã cū yee maquēre ca wede pairicarãre, “O biirije ca biiro macã to biri wāmeɸɸ cūjare ĩi owa cojoupi,” ĩi wede majio.

To biro ñañaro cūre to ca bii cote pacaro, aperã yee maquēre cū ca tɔgoeña yerijãtiriquere wede. Ñucã “Cristore ca tɔo nɸnɸjeerãre, Judea macārã Cristore ca tɔo nɸnɸjeerã cūja ca boorijere cūjare tii nemoña,” cū ca ĩriquere wede (caps. 8—9).

ĩcārã Pablora, “Watoara Jesucristo yee quetire wederi majɸ yɸ nii” ĩi dito yujumi, cūre ca ĩi wede pairicarãre, cū ca biirijere díamacū wede majio, ñucã cūja majuropeera “Cristo, cū yee quetire cū ca wede doti cojoricarã jãa nii,” ĩi ditocãri, cūja ca ĩrije

peere Corinto macãrã cãja ca tɔo nɔnɔjeero cãja ca tiirɔgariquere wede majio yapano cojomɔ (10.1—13.10).

Puati Corinto macãrãre Pablo cã ca queti owa cojorica pũuro

Añu dotirique

¹ Yɔ Pablo, ʃmɔreco Pacɔ cã ca booro mena, Cristo Jesús yee quetire wederi majɔ, ʃmɔreco Pacɔ yaarã, Corinto macã macãrãre, ñucã Acaya yepa niipetiro ca nii cojorã Jesucristore ca tɔo nɔnɔjeerã niipetirãre, Timoteo mani yee wedegɔ mena, * mɔjare jãa añu doti cojo.

² ʃmɔreco Pacɔ mani Pacɔ, Wiogɔ Jesucristo, cã yee añurijere, añuro jĩcãri cõro niiriquere, mɔjare cãja tiicojojato.

Pablo ñañoaro cã ca tamɔrique

³ ʃmɔreco Pacɔ mani Wiogɔ Jesucristo Pacɔ, mani Pacɔ ca ãa maigɔ, to birora mani ca tɔgoeña tutuacõa niiro ca tiigɔ ʃmɔreco Pacɔre mani baja peoco. ⁴ Cãra niipetirije ñañoaro mani ca tamɔro mani ca tɔgoeña bayiro manire tiimi, mani cãa, ñañoaro ca tamɔrãre ʃmɔreco Pacɔ mani ca tɔgoeña bayiro manire cã ca tiiricarore birora cãja ca tɔgoeña bayiro cãjare mani ca tiipere biro ãigɔ. ⁵ Cristo ñañoaro cã ca biiricarore biro ñañoaro mani ca bii nɔnɔjeerore birora, ñucã to birora cã jɔorira tɔgoeña bayirique cãare mani cɔo. ⁶ Ñañoaro jãa ca tamɔjata, tɔgoeña bayi, mɔja ca bii ametɔa nɔcãpere ãirã jãa bii. Ñucã ʃmɔreco Pacɔ jãa ca

* **1:1** Timoteo manire birora Jesucristore ca tɔo nɔnɔjeegɔ.

tugoeña bayiro cū ca tiijata, mɔja cāa, jāa ca biirore biro ñañoaro tamɔorã tugoeña bayi, nɔcā, mɔja ca biipere ĩro bii. ⁷ To biri mɔja yee maquere jāa ca tugoeña yue niirijea, díamacūra nii. “Jāare biro ñañoaro cūja ca tamɔore birora, ñucā to birora Ɖmureco Pacu jāa ca tugoeña bayiro, cū ca tiirije cāare cuoma,” mɔjare jāa ĩi maji.

⁸ Yu yaarā, Asiapure ñañoaro peti jāa ca biiriquere mɔja ca majiro jāa boo. Bɔaro peti ñañoaro, do biro pee bii tugoeña bayiya maniro jāare biiwu. “Catirāra mani tua waarucu,” ĩrique maniropu jāare biicāwu. ⁹ Cūja ca ĩa cōacāparāre biropu jāa tugoeñawu. Ate pea, jāa majuropeera “Ca tugoeña bayirā jāa nii,” jāa ca ĩi tugoeña niirijere, “Biiti, Ɖmureco Pacu ca bii yairicarāre cūja ca cati tuaro ca tiigu peere ca tuo nunjeeparā mani nii,” cūja ĩi tugoeña majijato ĩro jāare biiwu. ¹⁰ Ɖmureco Pacura jāare ametueneruci. Ñucā jāare ametuenerucumi, uwiorije ñañoaro bii yairiquere, “To birora jāare ametuenerucā nunna waarucumi, ¹¹ jāare mɔja ca juu bue nemojata,” jāa ĩi tugoeña yue. Pau jāare cūja ca juu bue bojajata, Ɖmureco Pacu yeere añurije jāa ca ñeerije juori, ñucā pau “Año majuropecā,” cūre ĩrucuma.

¿Ñee tiigu Corintopure cū waatijapari?

¹² Jāa peera jāa ca ujea niirije, jāa ca tugoeña niirijepu, ati yepare niirā, añuro petira mɔja mena niirā, Ɖmureco Pacu, añurije díamacū ĩrique cū ca tiicojorije juori, “Añuro mani bii niupā,” jāa ca ĩi tugoeña majiro jāare ca tiirije juori, jāa ca ujea niirije nii. Jāa ca biirique cati niirijea, bojoca majirique juori menara ca biirije méé nii, Ɖmureco

Pacu añuro cã ca tii bojarije mena pee jãa ca bii niirije nii. ¹³ Bue majiti, tũo puoti, m̃ja ca biipe unop̃ra jãa owa cojoti. Teere añuro m̃ja ca tũo puo peticoapere yu yue, ¹⁴ mee jĩcã wãmeri jãa ca biirijere m̃ja ca tũo puocoarore birora, mani Wiogu Jesús cã ca tua doori rum̃re, “Cũja juori to biro ca biirã jãa nii,” m̃ja ca ĩrore birora, jãa pee cãa, m̃ja yee juori to birora jãa ĩi tũgoeñarucu.

¹⁵ Atere, “To birora biirucu,” ĩiri, m̃ja peere yu ĩa juogu waaruga tũgoeñamiwu, to biro biigu, puati m̃jare yu ca ĩapere biro ĩigu. ¹⁶ O biro jĩi, Macedoniaru waagu m̃jare ĩa ametua waa, ñucã Macedonia ca niiricu tua doogu cãa m̃jare ĩa, yu ca biipere biro ĩigu. To biro yu ca biiro, Judearu yu ca waaro, yure m̃ja tii nemo cojoboacupa. ¹⁷ Atere, “To biro yu biirucu,” ĩigu, ¿añuro tũgoeñatigura yu ĩicãbujapari? “To biro yu biirucu,” cã ca ĩirijere jĩcã wãmera tũgoeñatigura, “Yu waarucu,’ ĩicã pacagu ñucã, ‘Yu waaticu,’ ĩimi,” ¿m̃ja ĩi tũgoeñati?

¹⁸ Um̃reco Pacu cã ca ĩrore biro ca tiigu cã ca niimore birora, añurije queti m̃jare jãa ca wederique, “O biro nii,” ĩicã pacagu, “To biro méé nii,” ĩirique méé nii. ¹⁹ Um̃reco Pacu Macũ Jesucristo, Silvano, Timoteo, to biri yu, m̃jare jãa ca wedericua ca wajoagu méé niimi. “Ug̃já,” ĩi pacagu, “Biiti,” ca ĩigu méé niupi. Cristora to cãnacã tiira, “Ug̃já” wado niicã.† ²⁰ To biri, Um̃reco Pacu “To biro yu tiirucu,” cã ca ĩirique, niipetirije Cristorena bii eaupa. Ate juori, Um̃reco Pacu baja peo nucũ buorã, “To birora to biijato,” mani ĩi, Cristo juori. ²¹ Um̃reco Pacu jãare, m̃jare, Cristo yaarã mani

† **1:19** Jesucristo yee añurije quetire jãa ca wederijere jãa wajoati.

ca nii tutuacã niiro manire tiimi. Cãra manire beje, ²² cã yaarã mani ca niiro tiiri, Añuri Yerire mani yeripɛ cũuupi, “To biro yɛ tiirucu,” cã ca ñiriquere mani ca bɛapere tiicojo jɛgueɣ.

²³ Ɖmɛareco Pacɛ cãare yɛ ca biirijere cã ca majiro tiiri, ca tɔgoeña bayigɛ niiri, “Ñañaaro cãjare ñigɛre biro yɛ ñibocu” ñima ñigɛ, Corintopɛre yɛ waati ména. ²⁴ Biirãpɛna jãa, díamacũ mɛja ca tɔo nɛcũ bɛo niirijere dotirã méé jãa ñi. Jãa ca boorijea añuro ɛjea niirique mena cãja niijato ñirã pee doca, mɛjare jãa ca tii nemorɛgarije nii. Mee, díamacũ tɔo nɛcũ bɛoriquere jɛorira, mɛja tɔgoeña bayi nii.

2

¹ Ate jɛori, “ ‘Cãja ca tɔgoeñarique paio yɛ tiibocu,’ ñima ñigɛ, ca waatipe niicu,” yɛ ñicãwɛ. ² Mɛja, yɛ ca tɔgoeña ɛjea niiro ca tiirãre, mɛja ca tɔgoeñarique paio yɛ ca tiijata, ¿noa pee yɛ ca tɔgoeña ɛjea niiro cãja tiibogajati? ³ To biri, yɛ ca tiiricarore birora mɛjare yɛ owa cojowɛ, mɛja pɛto yɛ ca earo, yɛ ca ɛjea niiro ca tiiboricarã yɛ ca tɔgoeñarique paio yɛre tiirema ñigɛ, “Yɛ ca ɛjea niirije mɛja niipetirã mɛja ca ɛjea niirijera nii,” ñi tɔgoeñari. ⁴ Bɛaro tɔgoeña pai yeri bate, otirique mena yɛ owawɛ. Biigɛpɛna mɛja ca tɔgoeñarique paio tiirɛgɛ méé mɛjare yɛ owa cojowɛ. Bɛaro mɛjare yɛ ca mairije peere cãja majijato ñigɛ, to biro yɛ tiiwɛ.

Ñañaaro cãre ca ñi ajienericɛre Pablo cã ca acoborique

⁵ Jĩcã, yɛ ca tɔgoeñarique paio cã ca tiijata, “Yɛ jĩcãrena tiigɛ méé tiijapi,” ñi nemo jañuri yɛ

ca ïitijata, m̃ja pee docare niipetirãp̃rena m̃ja ca t̃goeñarique pairo tiijadi. ⁶ Mee, m̃ja pañ jañuropara c̃re m̃ja ca tuti bojoca catorique menara añucã. ⁷ Mec̃ra, ñaño c̃re m̃ja ca tiiriquere acobo, c̃ ca t̃goeña bayiro c̃re tii nemo, tiiya, b̃aro jañuro c̃ ca t̃goeñarique pai yeri batetipere biro ïirã. ⁸ To biri, “C̃re m̃ja ca mairijere c̃re ïñoña ñucã,” m̃jare ỹ ïi. ⁹ Mee, aterena ïima ïig̃, m̃jare ỹ owa cojow̃, “Ỹ ca tii dotirije niipetirore ca tii ññjeerãra c̃ja niimiti,” ïi majir̃g̃. ¹⁰ Ñaño ca tiig̃re, ñaño c̃ ca tiiriquere m̃ja ca acobog̃re, ỹ c̃a to biro c̃ ca tiiriquere ỹ acoborucu. J̃cã wãme acoborique to ca niijata, m̃jare ïima ïig̃, Cristo c̃ ca ïa cojorore mee teere ỹ acobocãw̃, ¹¹ Satanás manire c̃ ca tii camota niitipere biro ïig̃. Mee añuro mani maji, Satanás ñaño mani ca tiiro c̃ ca tii buiyee majirijere.

Troas'p̃re Pablo c̃ ca nii majitirique

¹² Troas macãp̃re Cristo yee añurije quetire weder̃g̃ ỹ ca earo, Wiog̃ yeere ỹ ca padepe añuro peti bii eamiw̃. ¹³ To biro to ca bii pacaro, ỹ yee wedeg̃ Titore ỹ ca b̃a eatirije niima ïiro, ỹ yeri ỹ ca t̃goeña niirijep̃ añuro nii majitiw̃. To biro biima ïig̃ c̃jare waarique uwi, Macedonia pee ỹ doocã doow̃.

Cristo j̃ori ca bii amet̃a ñcãrã

¹⁴ Añu majuropeecã Ëm̃reco Pac̃ Cristo j̃ori, to cãnacã tiira ca bii amet̃a ñcãrã mani ca niiro c̃ ca tiirije, ñucã mani j̃ori niipetiri taberip̃ ca j̃ti añurije ca juju baterore birora, añurije quetire c̃ja ca majiro bii ñña waa. ¹⁵ Mania, Ëm̃reco

Pacure ca juti añurije Cristo cã ca joe juti añu mæenerijere biro mani nii, ca bii yaiparã, ñucã ca ametuaparã watoare. ¹⁶ Ñañoaro ca bii yaiparãra, ate ca juti añurije ca juju baterijea, ca jujurije ca punirijere biro nii. Ca ametuaparã peera caticõa niiriquere ca tiicojorije nii. ¿Ñiru peti cã niiti, atere ca tiipũ peti ca niigũ? ¹⁷ Aperã paũ cãja ca tii nucũ yujurore biro, Æmareco Pacũ yee quetire jãa noni wapa taa nucũ yujuti. To biro tiitirãra, Æmareco Pacũ cã ca tiicojoricarã jãa ca niimore birora, cã ca ãa cojorore díamacũ jãa wede, Cristo mena ca niirã niiri.

3

Wãma wãme maquẽre paderi maja

¹ ¿Atere o biro ãirã, jãa yee maquẽrena añuro ãi jũo waarã jãa ãiti ñucã? ¿Ïcãrã cãja ca tiirucurore biro, “Añu majuropecãma,” ãi wede majio owa cojorica pũurore mæjare tiicojo, ñucã mæja pee cãare tii pũurore jãi, ca tiiparã jãa niiti? ² Mee mæjara jãa yeripũ owariquere biro ca niirijere jãa ca wedericãra niiri, queti owa cojorica pũurore niipetirã bue, maji, cãja ca tiimore birora niipetirã maji, bue, cãja ca tiirã mæja nii.* ³ Añurije quetire jãa ca wederique jũori, ãa majiricarora Cristora cã ca owa cojorica pũurore biro mæja nii. Biirãrũa, owaricagũ mena owarica pũurore biro méé, Æmareco Pacũ to birora ca caticõa niigũ yũũ,

* **2:16** “Mani, mani nii, teere ca tii majiparã ãnoa,” ãigũ cã ca ãirique nii. * **3:2** “Mæjara mæja nii jãa yaa pũuro queti owa cojirca pũuro, jãa yeripũ owa tuuricarã nii, niipetirã maji, bue, cãja ca tiirã.”

Añuri Yeri mena, cã ca owaricarã mũaja nii. Nũcã ãtã pĩipũ doti cũuriquere owa tuurique ca niimore biro mée, bojoca yeripũrena owa tuugũre biro cã ca tiiricarã mũaja nii.

⁴ Cristo jũori, Æmũreco Pacũre “To birora tiirucumi,” ãiri, atere “To birora biirucu,” jãa ãi. ⁵ Jãa majuropeera, “Ca majirã jãa nii,” jãa ãiti. Æmũreco Pacũ cã ca majiorije nii. ⁶ “Wãma wãme yũ tiirucu,” cã ca ãiriquere cãja wedejato ãigu manire majiowi, doti cũurique maquẽ méere, Añuri Yeri cã ca tii niirije maquẽ peere cãja wedejato ãigu. Doti cũuriquea, “Bii yairicarõ ca tiirije nii,” Añuri Yeri pea caticõa niiriquere tiicojomi.

⁷ Doti cũurique bii yairicarõ ca tiirije, ãtã pĩipũ owa tuurique ca niirique ca peti nũnũa waape nii pacarõ, bũarõ ca boe baterije mena, tee ca boe baterije Moisés díamacũre ca boe cõa tuuro,† israelitas cãja ca ãa ãpõtĩõ majitiro ca bii earique to ca niijata, ⁸ ¿Añuri Yeri cã ca queti jee doorije pea tee ametũenerõ ca boe baterije mena to eatibogajati? ⁹ Bii yairicarõ ca tiirije añuro ca boe baterije mena ca bii earique to ca niijata, añuro mani ca niiro ca tiirije pee doca tee ametũenerõ ca boe baterije mena niirucu. ¹⁰ To cõro ca boe baterije mena ca nii earique nii pacarõ, Jesucristõ yee queti ca boe baterije ca nii majuropeerije menare ãi cõõñajata, mani majuropecã. ¹¹ Ca peti nũcãpe cãa, ca boe baterije mena ca nii earique to ca niijata, to birora ca niicõa niipe pee doca, ametũene jañuro ca boe baterije mena niirucu.

¹² “To biro biirucu,” ca ãi yuerã niiri, Jesucristõ

† 3:7 Ex 34.29.

yee quetire uwiricaró maniro jãa wede. ¹³ Ca boe baterije ca peti nãna waaro israelitas ãarema ãigu, Moisés cã diãmacãre juti quejero mena cã ca bñatoricarore biro jãa tiiti. ¹⁴ To ca bii pacaro, cãja ca tño maji niimirijepu tño nãnjeeerugatiupa. To biri mecãripu cãare ca nii jñoriquere cãja ca buemijata cãare, tii quejerora cãja ca tño majitiro cãjare tiicõa nii. Cristo yee añurije queti jñori wado tii quejerore ami cõa majirique nii. ¹⁵ Mecãripu cãare, Moisés cã ca owa cñurica pñurorire cãja ca buemijata cãare, cãja ca tño maji niimirijepure tii quejerora cãja ca tño majitiro cãjare biicõa nii. ¹⁶ Biiorpua, Jesucristore cãja ca tño nãnjeeerora, tii quejerore ami wooricarore biro cãjare biirucu. ¹⁷ Wiogua, Añuri Yeri niimi. Wiogu yuu Añuri Yeri cã ca niiri tabere añuro niirique nii. ¹⁸ To biri mani niipetirã, mani diãmacãre ca bñatori quejero ca cñotirã niiri, eñoro ca biimore birora, Wiogu cã ca añu majuropeerijere mani bau ãño, Wiogu Añuri Yeri ca niigu cã ca tii nemorije mena bñaro jañuri, cã yee ca añu majuropeerijere cãre biropu mani cño nãna waa.

4

Jesucristo yeere wederi maja

¹ Atere ãima ãirã, Ëmureco Pacu cã ca ãa mairije jñori, ate paderiquere cã ca tii dotiricarã niiri jãa pade jãtiiti. ² Boboro, yaioropu tiirique niipetirore jãa booti. ãi ditorique mena tii, Ëmureco Pacu wederiquere no ca boorijerena wede nucũ yuju jãa tiiti. Diãmacã maquẽre ca niimore biro wederi, niipetirã cãja ca tũgoeña niirijepu Ëmureco Pacu cã ca ãa cojorore, “Diãmacãra ãima,” cãja ca ãi majiro jãa tii.

³ Añurije queti jãa ca wederije ca t̃uo puo majiña manirije to ca niijata, ca t̃uo puo majiña manirijera niiro bii, ñañoaro ca bii yaiparãra. ⁴ Ati yepare ca doti niigu Satanás, ca t̃uo nuñjeetirãre c̃uja ca t̃uo maji niimirijep̃ure tii maa wijio ñucõcãupi, Ëmureco Pacu c̃u ca baurije ca niigu, Cristo do biro ca tiya manigu yee añurije queti ca añu majuropeerije peere t̃uo nuñjeerema ïigu. ⁵ Jãa, jãa yee maquẽrena jãa wedeti. Wiogu Jesucristo yeere jãa wede. Jãa, Jesús yee j̃uori, mujare ca pade coterã jãa nii. ⁶ Ëmureco Pacu, ca nait̃iarijerena, “Boeya,”* ca ïiricura c̃u ca boe baterijere jãa yeripu ca ñaajãa ñucãro jãare tiiwi, Ëmureco Pacu c̃u ca nii majuropeerije Cristo menap̃u c̃u ca boe baterijere jãa ca majipere biro ïigu.

Díamac̃u t̃uo ñuc̃u b̃uorique menara cati niirique

⁷ Ate añurije quetire, jãa up̃ari diir̃arire biro ca niirijep̃u jãa c̃uo, niipetirã, tee ca tutua majuropeerije jãa yee méé ca niirije, Ëmureco Pacu yeep̃u ca doorijere c̃uja ïajato ïirã. ⁸ Niipetirije ñañoaro tam̃uo pacarã, jãa t̃ugoeñarique paiti. T̃ugoeñarique pai pacarã, “Do biro mani tii majiricaró mani,” jãa ïiti. ⁹ Ñañoaro c̃uja ca tiiruga nuñjeerã nii pacarã, jãa waa weo ecoti.† Ñañoaro jãare tiicã pacarã, jãare tii yaio majitima. ¹⁰ Noo jãa ca waari taberi cõro, Jesús ñañoaro c̃u ca biiricarore birora jãare bii, jãap̃ure Jesús c̃u ca cati niirije cãa to bii bau niijato ïiro. ¹¹ Jãa cati niirã, Jesús yee j̃uori to birora c̃uja ca j̃iaruga nuñjeerã niicãrã

* **4:6** Gn 1.3. † **4:9** Jãa mena macãrã jãare waa weocoa, jãa waparã pea ñañoaro jãare tiiruga nuñjee c̃uja ca biimijata cãare, Ëmureco Pacu pea jãare waa weotimi.

jãa bii, jãa upuri ca bii yaipa upu menara Jesús cū ca cati niirije cãa to bii bau niijato ïirã. ¹² O biri wãme bii jãara, jãa ca bii yaipe. Mũja peera mũja ca caticõa niipe bii.

¹³ Umureco Pacu wederique o biro ïi: “Yu tuo nunujeewu; to biri yu wedewu,” ïi.† Jãa cãa, to biri wãmera díamacū tuo nucū buo yeri cutiri, díamacū jãa tuo nunujee, to biri añurije quetire jãa wede, ¹⁴ Wiogu Jesús cū ca cati tuaro ca tiiricura, mani cãare cū menara mani ca cati tuaro tiiri mũja mena jĩcãri cū putopu manire jee waarucumi, cū putopu manire cū ca jee waapere majiri. ¹⁵ Añuro mũja ca niipere§ ïima ïirã, ate niipetirije ñaňaro jãa tamuo, Umureco Pacu cū ca ïa mairije, paupure to ca bii ea nunua waaro pau bojoca, Umureco Pacu cū ca añu majuropeerijere, “Añu majuropecã,” cūja ïijato ïirã.

¹⁶ To biri jãa tugoeña yapa puati. Jotoa peera ca upu tutuati nunua waarã nii pacarã, jãa ca yeri jãñarije peera buaro jañuro jãa tugoeña bayi nunua waa. ¹⁷ Ate ñaňaro biirique jãa ca tamuorije yoari méé ca ametuarijea, ca añu majuropeerije, ametuenero to birora ca niicõa niirijere ca bua eaparã jãa ca niiro tii. ¹⁸ To biri ñaňaro jãare ca biirijerena jãa ïa nunujeecõa niiti. Jiro jãa ca biipere jãa ïa cojo yue nii. Bau niiro ca bii niirijea ca ametuarije nii. Ca bautirije pea to birora ca niicõa niirije nii.

5

¹ Mania, ati yepa macã wii, yoaro ca niitiri wiire

† 4:13 Sal 116.10. § 4:15 Mũjare maima ïirã.

biro ca biirã niiri, mani upu to ca bii yaicoajata, emuapou macã wii, bojoca méé cãja ca tiirica wiire, Umareco Pacu cã ca tiirica wii, to birora ca niicõa niiri wiire mani ca cuorijere mani maji. ² To biri emuapou mani ca niipa upu peere buaro wajoarugama ñirã, pato wãcãrique mena mani bii nii. ³ Ati upu ca juti wetiricarã nii pacarã, juti manirãra niicã, mani biitirucu. ⁴ Ati yepare yoaro ca niitiri wiire biro ca niiri upu mena nii pato wãcã niima ñirã, mani juticoa. Biirãpu upure tii yaiocãriquepu mani booti. Biitirãra wãma upu pee juti weticãri, bii yairiquere, caticõa niirique pee ca bii wajoa nucãro mani boo. ⁵ Umareco Pacura niimi, to biro ca biiparã mani ca niiro tii, ñucã “To biro yu tiirucu,” cã ca ñiriquere mani ca bua eapere biro ñigu, cã yuu Añuri Yerire tiicojo jугue, ca tiiricu.

⁶ To biri, “To birora biirucu,” mani ñi tugoeña bayicõa nii; ména, ati upu mena cati niirã, Wiogu putore mani niiti. ⁷ To biri mani ca ñarije juori méé, díamacu mani ca tuo nucã buorije juori pee mani cati nii. ⁸ Biirãpu, “To birora biirucu,” mani ñi, to biri Wiogu mena niirã waarugarã ati upure mani waa weorugami. ⁹ To biri cati niirã cãa, ñucã bii yairi jioru cãare, Wiogu cã ca ña biijejarijere ca tii niiparã mani nii. ¹⁰ Niipetirã, Cristo cã ca ña beje niiri tabepure mani ca eapera niiro bii, mani ca niiro cõrora ati upu mena cati niirã, añurije, ñañarije, mani ca tii niirique wapare buarugarã.

Umareco Pacu mena añuro niirique queti

¹¹ To biri, “Wiogure ca ñi nucã buopera nii,” ñi majiri, niipetirãre cãja ca tuo nunjeero jãa tiiruga.

Jãa ca niirique cãtirijea Ƨmũreco Pacũ cũ ca majirije nii. Mũja cãare, “Teere majirucuma,” jãa ñi yue. ¹² Ñucã jãa yee maquẽrena, “O biro ca biirã jãa nii,” mũjare ñirã mée jãa ñi. Mũja peere, jãa jũori, “O biro ca biirã jãa nii,” cãja ñijato ñirã pee, to biro mũjare jãa ñi, yeripũ tũgoeñariquere majiti pacarã, bojoca bauriquerena ñari, “To biro biima,” ca ñirãre mũja ca yũũ majipere biro ñirã. ¹³ Ca mecũra jãa ca nijata, Ƨmũreco Pacũ yee jũori to biro jãa bii. Jãa ca mecũtijata, añuro mũja ca niipere ñirã jãa bii. ¹⁴ Jĩcũra niipetirãpũre cũ ca bii yai bojariquere, ñucã to biicãri niipetirãpũra ñañarije cãja ca tii niirucuriquere cãja ca bii yai weoriquere mani ca tũo majiri tabe mena, Cristo cũ ca mairije pee manire doti niipura. ¹⁵ Cristo, niipetirãpũre bii yai bojaupi, to birora ca caticõa niiparã,* cãja ca boorore biro tii niitirãra, cãja yee jũori bii yai, cati tua, ca biiricũ yee peere cãja tii nijato ñigũ.

¹⁶ To biri jãa pea, jĩcũ peerena ati yepa macãrã cãja ca ñirote biro jãa ñiti. “Mena, jũgueropũre Cristore to biri wãmera jãa ñirucumiwũ,” mecũra to biri wãme jãa ñiti yua. ¹⁷ Jĩcũ unõo Cristo mena ca niigũa, ca tũgoeña yeri wajoaricũpũ niimi. To biri jũguero cã ca tiirucuriquere wajoari, wãma, añuriye wado tii niimi. ¹⁸ Ate niipetirije, Ƨmũreco Pacũ cũ ca tiirije nii, Cristo jũori cũ mena añuro mani ca niiro tiiri, cũ mena añuro niirique quetire jãare wede dotiwĩ. ¹⁹ Ate nii, Cristo jũori Ƨmũreco Pacũ, cũ majuropeera, ati yepa macãrã cãja ca ñañarije wapore, “To biro bii,” ñiricaro maniro cũ mena añuro cãja ca nii earo cũ ca tiirique. Jãa peera, tee añuro

* **5:15** Jesucristore ca tũo nũnũjeerã, cãja ca caticõa niipere cũoma.

nii earique quetire jãare wede majio dotiwi. ²⁰ To biri Cristo yee quetire wede bojari maja† ca ni-irã niiri, Æmureco Pacu majuropeera, jãa menapu mujare cã ca wede majio niitore birora Cristo wãme mena, “Æmureco Pacu mena pee niiña ñucã,” buaro mujare jãa ñi. ²¹ Jesucristoa, jicã wãme uno peera ñañarije tiitiupi. To ca bii pacaro mani yee juri Æmureco Pacu pea ñañarije ca tiiricare ca tiigure biropu ñañaro cã ca tamoro care tiupi, cã juripu ñañarije manirã Æmureco Pacu manire cã ca ñapere biro ñigu.

6

¹ To biri jãa, Æmureco Pacu yeere pade nemori majare birora, “Æmureco Pacu cã ca añu majuropeerijere cã ca ññoriquere to birora tuo ñami yaio, biiticãña,” mujare jãa ñi. ² Owariqueru o biro ñimi:

“Yu ca tii nemori tabe ca niiro mare yu tuowu.
Ametarica rumare mare yu tii nemowu,”
ñimi.*

“Mecãra nii Æmureco Pacu cã ca tii nemori tabe.
ñMecãra nii, ametarica rumu!” mujare yu ñi.

³ Jãa paderiquere ñañaro ñi wede paibocuma ñirã, jicã unorena ñañarije tii ñño nucũ yuju, jãa tiiti. ⁴ To biro tiitirãra, ñañaro tamuo, apeye uno cuoruga, do biro bii majiña maniro jãare bii camota, ⁵ jãare bape, jãare tia cãu, ñañaro jãare ñi acaro bui tuti, buaro pade buaña, aua boa, cãniri meé bii, jãa ca biirije niipetirijere tugoeña bayi, jãa ca bii niirije

† 5:20 Embajadores de Cristo. * 6:2 Is 49.8.

menara Ɖmureco Pacu yeere ca paderã jãa ca niirijere jãa ãño. ⁶ Ñucã añuro jãa ca niirije, díamacũ maquẽre jãa ca majirije, jãa ca tugoeña bayirije, jãa ca bojoca añurije, Añuri Yeri jãapure cũ ca niirije, ãi ditoricaró maniro jãa ca mairije, ⁷ díamacũ jãa ca wederije, Ɖmureco Pacu cũ ca tutuarije jãapure ca niirije mena jãa tii nemo nii. Ñucã díamacũ ca niirije menara beju cuti, bojoca tooye cuti, jãa bii.† ⁸ Jĩcãtiri jãare nucũ buo, ape tabera ñañoaro jãare ãi, jĩcãtiri jãa yee maquẽre añuro wede, ape tabera ñañoaro jãare wede pai, ñucã ca ãi dito pairãre ca ãirãre biro jãare ãima, díamacũ jãa ca ãirije to ca nii pacaro. ⁹ Añuro cãja ca majirã jãa ca nii pacaro, cãja ca majitirãre ca tiirãre biro jãare tiima. Ca bii yairãre biro nii pacarã, jãa cati, paa ecocã pacarã jãa diati. ¹⁰ Tugoeñarique pairãre biro nii pacarã, to birora jãa ujea niicõa nii. Ca apeye manirãre biro nii pacarã, pure, ca apeye pairã cãja ca niiro jãa tii. Ca apeye manirãre biro nii pacarã, niipetirije jãa cuo.

¹¹ Jãa yaarã Corinto macãrã, ca niimore biro mujare wede, ñucã buaro mujare mai, jãa biiwu. ¹² Mujare jãa ca mairijere jãa yaioti, mija pee mija nii, to biro jãare ca biirã. ¹³ To biro wado mani ca ameri biipere biro ãigu, yu punare ca ãigure biro: “Mujare yu ca maiore birora, mija cãa yure maiña,” mujare yu ãi.

Ɖmureco Pacu ca catigu yaa wii mani nii

¹⁴ Jesucristore ca tuo nunujeetirã ñañoaro tiiruga tugoeñari cãja ca tiirijere ameri tii nemo bapa

† 6:7 2Co 10.4; Ef 5.10-18.

cutiticãña.† Añuriye, ñañariye menare bapa cuti majiti. Ñucã ca boerije cãa, ca naitĩariye mena nii majiti. ¹⁵ Cristo cãa Satanás§ mena wede peni bapa cuti majitimi. Jesucristore ca t̃uo ñññjeerã, Jesucristore ca t̃uo ñññjeetirã, jĩcãro peere biro t̃ugoeñatima. ¹⁶ Mani, Æmureco Pacu yaarã, weericarãre mani ñcũ b̃uoti, Æmureco Pacu ca catigu, manipure cũ ca niiro macã. Æmureco Pacura:

“ Cũja mena nii, cũja watoara waa yuju, cũja Æmureco Pacu nii, cũja pee cãa yu yaa pooga macãrã nii, biirucuma, cũ ca ĩricarore birora.”*

¹⁷ To biri o biro ĩi nemomi:

“Ñañariye ca tiirãre camotati, ñañariye cũja ca tii niirijere tii ñññjeeticãña.

Ñañarijere tiiti majuropeecãña. To biro m̃ja ca biiro, yu pea m̃jare yu ñeerucu.†

¹⁸ “Yu pea m̃ja Pacu yu niirucu.

M̃ja pee cãa, yu puna, yu puna romiri, m̃ja niirucu, ĩimi Æpu, niipetirijepure ca doti tutua niigu.”†

7

¹ Yu yaarã, ate “O biro yu tiirucu,” cũ ca ĩiriquere ca c̃uorã niiri, mani upure, mani ca cati niirijere, ca ñañorijere ca tiitiparã mani nii, Æmureco Pacu cũ

† **6:14** En una yunta desapareja (Dt 22.10). Jesucristore ca t̃uo ñññjeerã, noo ca boorije ñañariye tiirique unore jãa tiire ĩirã, ca bojoca catiparã niima. § **6:15** Belial ĩiro, “Ñee ca tiitigu, ñañariye wado ca tiigu,” ĩiro ĩi. Biirop̃na Satanás'rena ĩicãro ĩi. * **6:16** Lv 26.12; Jer 32.38; Ez 37.27. † **6:17** Is 52.11; Ez 20.34, 41. † **6:18** 2S 7.14; 7.8; 1Cr 17.13; Is 43.6; Jer 31.9.

ca dotirijere tii nunujee, mani bii nunua waaco, ca ñañarije manirãrũ nii earugarã.

Pablo cã ca ujea niirique

² Maja yeripu jãare tugoeñaña petopura. Jĩcãrã uno mena peera ñañaro tii, jĩcãrã uno peerena tii ñaño, jĩcãrã uno peerena ñi dito, jãa tiitiwũ.

³ Atere ñigu, mujare wede pairũgũ méé yũ ñi. Mee jũgueropura: “Jãa ca mairã maja nii, catirã cãa, bii yairã cãa, jĩcãri mani niirucu,” mujare yũ ñiwũ.

⁴ Maja yee maquẽre wede boboti, maja yee jũori bũaro tugoeña tutua, yũ bii. Niipetirije ñañaro jãa ca biirije watoara bũaro ujea nii, yũ ca ujea niirije peti nũcãti, yũre bii.

⁵ Macedoniare ea biirã, jĩcãti uno peera jãa yerijãatiwũ. Niipetirijepura do biro tii majiña maniro jãare biiwũ. Jotoa peera ñañaro jãare cũja ca tiiruga coterije, jãa yeri peera uwi tugoeñarique, jãare niiwũ. ⁶ To biro jãa ca bii pacaro, Æmureco Pacu ca tugoeñarique pairãre, cũja ca tugoeña tutuaro ca tiigũ pee, Tito jãa pũto cũ ca earije mena, jãa ca tugoeña tutuaro jãare tiiwi. ⁷ Cũ ca earije wado mena méé, maja jũori cũ ca tugoeña tutuarije menare to biro jãa biiwũ. Bũaro jãare maja ca ñarugarijere, maja ca tugoeñarique pairijere, yũre maja ca tugoeñarije cãare, jãare wedewi. Ate niipetirije mena nemo jañuro yũ ujea niiwũ.

⁸ Yũ ca owa cojorica pũuro mena maja ca tugoeñarique paio tii pacagũ, yũ tugoeñarique paiti. Mujare yũ ca owa cojorique jĩcã cuu maja ca tugoeñarique paio ca tiiriquere majiri, yũ tugoeñarique paiwũ. ⁹ Bii pacagũ, mecãra yũ ujea

nii. Biigurua mąja ca tųgoeńarique paio ca ti-irique méere, mąja ca tųgoeńa pairiquera, mąja ca tųgoeńa wajoaro ca tiirique peere ĩima ĩigu, to biro yu bii. Ҫmureco Pacu cū ca boorore birora mąja tųgoeńa paijacupa. To biri ĩicā wāme ęno peera ńańaro mąjare jāa tiitijacupa. ¹⁰ Ҫmureco Pacu cū ca boorore biro tųgoeńa pairiquea, tųgoeńa yeri wajoa mani ca ametuaro ca tiirije nii. To biri tųgoeńa pairique ęno méé nii. Ati yepa maquē jęorira tųgoeńa pai nucū yujuriquea, Ҫmureco Pacure camotati, bii yai nucāricaro ca tiirije nii. ¹¹ Ҫmureco Pacu cū ca boorore birora mąja ca tųgoeńa pairique mąjare ca biiriquere ĩańaaquē. Tee maquēre yu ca owa cojoricarore birora tii, to biro mąja ca tiiriquere ameri queno, teere tųgoeńa ajia, tųgoeńa uwī, yure ĩaruga, yure mai uwa jeo, ńańarije ca ĩiricare wede bojoca catio, mąja ca tiiro mąjare tiupa. To biro mąja ca tiirique niipetiro mena, mąja menara mąja ca ĩi ńaajuatiriquere mąja ĩńoupa. ¹² To biri tii pūurore mąjare owa cojogu, ńańaro yure ca ĩiricare, ńucā ńańaro ca ĩi ecoricare tųgoeńari méé, Ҫmureco Pacu cū ca ĩa cojorore buaro jāare mąja ca mairijere, cūja majuropeera cūja ĩa majijato ĩigu pee, yu owa cojowu. ¹³ Ate niipetirije buaro jańuro jāa ca tųgoeńa bayiro jāare tii. Jāa ca tųgoeńa bayiro jāare ca tiirique ametuene jańuro jāa ęjea niiwu, Tito cū ca tųgoeńa bayiro mąja ca tiirique jęori cū ca ęjea niiro ĩarā. ¹⁴ Mee Titore, mąja yee maquēre, “Cūja jęori buaro yu ęjea nii,” cūre yu ca ĩiriquere, ńańaro yu ca tuaro mąja tiitijapa. Mąjare jāa ca ĩirique díamacūra ca niiricarore birora Titore mąja yee maquēre jāa ca ĩirique cāa, díamacūra niijapa. ¹⁵ Mąja niipetirā

cāre t̄uo n̄n̄j̄ee, n̄c̄ũ b̄uoriquē mena añuro c̄ure boca, m̄ja ca biiriquere t̄ugoeñari, b̄uaro m̄jare mai t̄ugoeñami. ¹⁶ M̄jare, “Īricarore birora biirucuma,” ĩi t̄ugoeñari, ȳu ujea nii jañu.

8

Añuro yeri t̄ugoeñari tiicojorique maquẽ

¹ Ȳu yaarã, mec̄ura, Macedonia macãrã Jesucristore ca t̄uo n̄n̄jeerãre Ŭm̄reco Pac̄u añuro c̄jare c̄ũ ca tii nemorijere m̄ja ca majiro jãa boo. ² Do biro bii majiña maniro, ñaño c̄ja ca tam̄orije watoara b̄uaro ujea nii, apeye mani pacarã, ca apeye pairãre biro añuro yeri t̄ugoeñari, c̄ja ca tii nemorijere tiicojo niip̄a. ³ Ȳu, ȳu nii, c̄ja majuropeera, c̄ja ca tii bayiro c̄oro, ñucã c̄ja ca tii bayiro amet̄ene jañurop̄u tiicojo, c̄ja ca tiiriquere ca ĩaric̄u. ⁴ To biri c̄ja majuropeera, “Jãa cãa, Ŭm̄reco Pac̄u yaarãre jãa ca tii nemorugarijere jãare tii dotiya,” b̄uaro jãare ĩi jãiwa. ⁵ “Tiirucuma,” jãa ca ĩi yuericaro amet̄enero tiiwa. C̄ja majuropeera Wioḡu peere “M̄re jãa pade n̄n̄jeerucu,” ĩi j̄uo, jiro jãa peere “M̄ja ca ĩirijere jãa tii n̄n̄jeerucu, Ŭm̄reco Pac̄u c̄ũ ca boorore biro,” jãare ĩiwa. ⁶ To biri Titore m̄ja p̄uor̄p̄u añurije maquẽre tii nemorã, m̄ja ca tiicojorijere, “M̄ ca jee neo j̄uoricarore birora jee neo yapanoḡja,” c̄ure jãa ĩi cojo. ⁷ Mee m̄ja, aperã amet̄enerop̄u díamacũ t̄uo n̄c̄ũ b̄uo, añurije quetire wede majio majiri maja nii, teere añuro maji, añuro ujea niirique mena tii, jãare mai, m̄ja tii. Teere m̄ja ca tiitore birora tiiya, añurije maquẽre tii nemorã m̄ja ca tiicojorije cãare.

⁸ Mɯjare dotigɯ méé yɯ ïi atera. “Aperã cãja ca tii nemo niirije menare, mɯja cãare díamacũra mɯja ca mairijere mɯja ca tii ïñorijere, majirugɯ yɯ ïi. ⁹ Mee mani Wioɯ Jesucristo añuro cã ca tii bojariquere mɯja maji. Mɯjare maima ïigɯ, ca apeye paigɯ nii pacagɯ, mɯja yee jɯori ca boo pacagɯ nii eaupi, cã ca boo pacarije menara mɯja pea ca apeye pairã mɯja ca nii eapere biro ïigɯ.

¹⁰ Mɯja yee maquẽ añurije ca niipere ïigɯ, ate maquẽre yɯ ca tugoeñari wãmere mɯjare yɯ wede majio. Mee jɯguero macã cũmapɯra, mɯja ca tii nemorijere tiicojorã, mɯjara mɯja tiicojo jɯoupa. Biirãɯra to birora tiicojorã méé mɯja tiupa. Tiirugarique mena mɯja tiupa. ¹¹ To biri, tiirugarique mena mɯja ca tii nemoruga jɯoricarore birora, mɯja ca tii nemorugariquere to birora tiicõa niiña. ¹² Jĩcã añuro tiirugarique mena cã ca cɯorije ɯnora cã ca tiicojorijere añuro ïa ɯjea niimi Ɔmãreco Pacɯ. Mani ca cɯotirije ɯnopɯra jãitimi.

¹³ Aperã peere añuro cãja ca niiro tiicãri, mɯja pea ñee jãa manirã niiña, ïigɯ méé yɯ ïi. Jĩcãro peere biro mɯja ca niipe peere ïima ïigɯ yɯ ïi.

¹⁴ Mecũra mɯja pea cãja ca cɯotirijere mɯja ca tiicojopere mɯja cɯo, ñucã cãja pee cãa mɯja ca cɯotiri tabere mɯja ca cɯotirijere cãja ca tiicojopere cɯorucuma. To biri jĩcãro peere biro mɯja cɯorucu, ¹⁵ o biro ïi owa tuurique: “Pairo ca jeericɯ cãa cɯo ametɯenetiwĩ. Petoacã ca jeericɯ cãare dɯjatiwɯ,” ca ïirore birora.*

Titore Corintopɯ cãja ca tiicojo cojorique

* 8:15 Ex 16.18.

16 Añu majuropeecã Ñmureco Pacu, mɔja yee maquẽre yu ca tũgoeñarore birora, Tito cãare yure birora cã ca tũgoeñaro ca tiiricu. 17 Tito, cãre jãa ca doti cojorije jũori wado mée, cã majuropeera bũaro mɔjare ca ñaruga niigu niiri, ɔjea niirique mena mɔjare ñagu waami.

18 Cã mena, jĩcã mani yee wedegu, niipetirã Jesucristore ca tũo nũnũjeerã, añurije quetire añuro cã ca paderije jũori, “Añu majuropeecãmi,” cãja ca ñi nũcũ bũogure mɔja pũtopu jãa tiicojo. 19 Ñucã Jesucristore ca tũo nũnũjeerãra, añurije maquẽre tii nemorã cãja ca tiicojorijere jãa ca jee waaro, Wiogure nũcũ bũogũgarã jãa ca tii niirije, bũaro jãa ca tii nemorijere ñũorũgarã jãa ca tii niirijere, jãare cã bapa cuti waajato ñirã, cãre bejeupa. 20 O biro jãa tii, ate maquẽ cãja ca tii nemorije añurije jãa ca jee neorijere, “Cũjara jee cũucãcuma,” jãare cãja ca ñi wede paitipere biro ñirã. 21 To biri añuri wãmera jãa tii niĩ, biirãpua, Wiogu cã ca ña cojoro wado mée, bojoca cãja ca ña cojoro cãare to birora jãa tii.

22 Cãja mena apĩ, mani yee wedegu añurije ca tiirũgagu, paũ wãmeri añuro jãare ca tii ñño niigure, mecũ docare mɔjare, “To birora tiirucuma,” ca ñigure jãa tiicojo. 23 Tito pea, yu mena macũ añuro mɔja ca niipere ñigu, yu mena ca padegu niimi. Aperã mani yaarã pea, Jesucristore ca tũo nũnũjeerã cãja ca tiicojo cojorã, Cristore cãja ca nũcũ bũoro ca tiirã niima. 24 To biri Jesucristore ca tũo nũnũjeerã cãja ca majipere biro ñirã, mɔja ca mairijere anijare ññoña, “To biro ca biirã niima,” mɔjare jãa ca ñi nũcũ bũorijere, “Díamacũra ñijapa,” cãja ca ñi majipere biro ñirã.

9

Jesucristore ca t̃uo ñññjeerã yee maquẽre jee neorique

¹ Manire biro Cristore ca t̃uo ñññjeerãre tii nemorã m̃ja ca tiicojorije maquẽra m̃jare ỹ ca owa cojo ññna waape méé nii. ² Mee, añuro tii nemorugarique mena m̃ja ca tiirijere ỹ maji. J̃guero macã c̃mar̃ra, m̃ja Acaya macãrã, ca tii nemoruga niirã m̃ja ca niirijere, Macedonia macãrãre ̃jea niirique mena ỹ wedew̃. To biro m̃ja ca biirije, Macedonia macãrã niipetirã jañurõra, “Jãa cãa, jãa tii nemorucu,” c̃ja ca ñiro tiiw̃. ³ To biro m̃ja ca bii pacaro ate maquẽ, m̃ja ca biirije ỹ ca wede bayi niirije watoa maquẽ peti tuabocu ñig̃, mani jaarãre m̃ja p̃top̃ ỹ tiicojo cojo, ỹ ca ñiricarore birora añuro nii yue, ⁴ j̃cãrã Macedonia macãrã ỹ mena waari, “To biro biicu,” m̃ja ca ñitiri tabera c̃ja ca eatipere biro ñirã. To biro m̃ja ca biijata, boboro m̃ja tam̃ore m̃jare ñi wedetima ñirã, “Tiicãrucuma,” ca ñiricarã niiri, boboro jãa tam̃obocu. ⁵ To biri anija mani jaarãre, “ ‘Jãa cãa, jãa tii nemoruga,’ c̃ja ca ñiriquere queno yuerãja,” c̃jare ỹ ca ñi cojopera nii. To biro m̃ja ca tiiro, m̃ja ca jee neorije añuro tii nemorugarique mena m̃ja ca ññorijere biro, jãara m̃jare jãa ca tii dotirijere biro méé niirucu.

⁶ Atere t̃goeñaña: “Petoacã ca oteric̃a, ca dica cãare petoacã jecumi. Pairo ca oteric̃a, ca dica cãare pairo jecumi.” ⁷ To biri m̃ja ca tii nemorijere tiicojorã, t̃goeña pairique mena, c̃ja ca tiicojo dotiro mena tiicojo, tiiticãña. M̃ja ca niiro c̃õrora m̃ja yerip̃ m̃ja ca tiicojoruga t̃goeñaro

cõro tiicojoya. Ujea niirique mena ca tiicojogure maimi Umureco Pacu. ⁸ Umureco Pacu mujapure añurije ca nii nũaa waaro tii majimi, mũaa ca boorije niipetirore to cãnacã tiira ca cõocõa niirã niiri, niipetirije añurije mũaa ca tii nemorije buaro jañuro mujare ca niipere biro ñigu. ⁹ Umureco Pacu wederique o biro ca ñirore birora:

“Ca boo pacarãre cũ yee ca niirijere batewi. Añuro cã ca tii niirije peti nacãtirucu.”*

¹⁰ Oteri majare ote ape tiicojo, ñucã cã ca baapere tiicojo, ca tiigu Umureco Pacura mũaa ca boorijere tiicojo, mũaa oterique ca buu nũaa waaro tii, tiiri añurije mũaa ca tii niirijere buaro jañuro mũaa ca tii nũaa waaro tiirucumi. ¹¹ To biro cã ca tiirã niiri, niipetirije apeye cõori, añuro mũaa tii nemo niirucu, jãa juoripu añuro mũaa ca tii nemorijere Jesucristore ca tão nũajeerã Umureco Pacure “Añu majuropeecã,” cũaa ca ñipere biro ñirã.

¹² Ate añurije maquẽ tii nemoriquere jãa ca jee waarije, Jesucristore ca tão nũajeerã cũaa ca cõtirije wadore tii nemoti, pau tiiri Umureco Pacure, “Añu majuropeecã,” cũaa ca ñiro cãare tii.

¹³ Ca tii nemorã niiri, mũaa ca tiicojorije ca bii bau niiro, Cristo yee añurije quetire ca tão nũajeerã mũaa ca niirijere tee ca ñirore biro mũaa ca tiirije mena ca bii bapa cõtirijere, cũjare tii nemorã cũaa menare, to biri niipetirãpu menare, mairicarõ maniro mũaa ca tiicojorijere ñari, Umureco Pacure añuro ñi nacũ buorucuma. ¹⁴ Ñucã mujare cũaa ca juu bue bojarijeru, mujare cũaa ca mairijere Umureco Pacu añuro cũ ca tii bojarijere mũaa ca

* 9:9 Sal 112.9.

ñeerique j̄mori, ñi bau niirucuma. ¹⁵ “Añu ma-
juropeecã Æm̄reco Pacu,” do biro pee ñi wede
majiña manirije cã yee manire cã ca tiicojorique.

10

Pablo cã ca doti majirije

¹ Ȳ Pablo, Cristo cã ca añurije, cã ca mairije
mena, j̄cãrã cãja ca ñirucurore biro m̄ja mena
niiḡ ca uwi paiḡ nii, yoarop̄ niiḡ pea ȳ ñicãre
ñiri méé ca ñiḡ nii, ȳ bii. ² To biri m̄ja p̄top̄
ȳ ca ñaḡ earo, j̄cãrã, “Cristore ca majitirã cãja
ca tiitore biro tii nucũ yujuma,” jãare ca ñirãre,
“Ȳ ñicãre ñiri méé ȳ ca ñiro tiiticãña,” m̄jare ȳ
ñi. ³ Bojocara jãa nii, bii pacarã ati yepa macãrã
cãja ca ameri quëerore biro jãa tiiti. ⁴ Jãa ca beju
c̄tirijea, ati yepa maquë méé nii. Æm̄reco Pacu
cã ca yeri tutuarije, Satanás cã ca tii camota tutua
niirijere ca tii yaio baterije nii. ⁵ To biri Æm̄reco
Pacure tuo n̄n̄jeeruḡaricaró mani ca t̄goeñari
wãmera ca bii camotaarijere ñi camota, bojoca cãja
ca t̄goeña niirije niipetirore Cristo peere cãja ca
tuo n̄n̄jeero jãa tii. ⁶ Añuro Cristore m̄ja ca tuo
n̄n̄jee jeeño peticoaro, ca tuo n̄n̄jeeruḡatirãre
ñañaro cãjare ca tiiparã niicãrã mani bii.

⁷ M̄ja, bojoca baurique wadore m̄ja ña. J̄cã,
“Cristo ȳn̄, ȳ nii,” cã ca ñijata, ate cãare ca
t̄goeñap̄ niimi, Cristo ȳn̄ cã ca niitore birora, jãa
cãa Cristo yaarã jãa nii. ⁸ “B̄arop̄ra ca doti majirã
jãa nii,” jãa ca ñirije, m̄jare cãja tii yaiojato ñiḡ
méé, añuro m̄ja ca nii n̄n̄na waapere ñiḡ, Wioḡ
jãare cã ca tiicojoriquere ñee tiiḡ ȳ bobicu. ⁹ Ȳ
ca owa cojori p̄urori mena, m̄jare ñi uwioḡre

biro yu ca ĩirije ca niiro yu booti. ¹⁰ ĩĩcārã o biro ĩima: “Do biro tiia manirije tutuaro mena ĩi cojomi. Bii pacagu, cã majurope ĩigu pea ĩĩcũ uno peerena uwaro ĩi, ‘Cũ ca wedejata cãare to biro ĩĩcumi,’ ĩi ecotiwĩ,” ĩima. ¹¹ To biro ca ĩirã, atere ca majiparã niima: Yoaropu niirã tutuaro mena jãa ca ĩi owa cojorore birora, mũa pũtopu niirã cãa, “Jãa ĩĩcãre” ĩiri mée, tutuaro mena jãa wederucu.

¹² ĩĩcārã cũa majuropeera, “O biro ca biirã jãa nii,” ca ĩirãre biro bii, jãa ca bii niirijere cũa ca bii niirije mena cõõña, jãa tiiti. Cũa, cũa majuropeera cũa ca biirijerena ĩa cõõña, aperã cũa ca biirijere cõõña, tiirã, to biro cũa ca tiirijere majitima. ¹³ Jãa pea jãa ca tiitiriquepũrena, “Jãa, jãa tii,” jãa ĩiti. Ũmũreco Pacu jãare cũa ca dotiricarõ cõrora jãa tii nii. Cũra mũa pũtopu jãa ca ea waa majiro jãare tiwi. ¹⁴ Jũguero mũa pũtopu ca waatiricarã nii pacarã, to biro jãa ca ĩijata, jãa ca tiitiriquepũrena ĩirã jãa ĩibocu. Mee, jãara Cristo yee añurije quetire mũjare jãa wede jũorã eawu. ¹⁵ To biri aperã cũa ca tiiriquepũrena, jãa yeere biro, “Jãa, jãa ca tiirije nii,” jãa ĩiti. ĩĩtirãra, díamacũ mũa ca tuo nũcũ buo bayi nunũa waaro cõrora, jãa ca paderijere bũaro jañuri jãa tii nunũa waarucu mũa watoare. Biirãpũa jãa ca tiipe ca niiro cõrora, jãa ĩi yue, ¹⁶ mũa ca niiri tabe õo pee macã yeparipu cãare, añurije quetire aperã cũa ca tiiriquepũrena, “Jãa, jãa ca tiirije nii,” ĩĩricaro maniro. ¹⁷ “O biro ca biigu niigu yu bii,” ca ĩigua, Wiogu yee peere “O biro ca biigu yu nii,” cũ ĩijato.* ¹⁸ Cũa majuropeera, “O biro ca biigu yu nii,” ca ĩigu mée, “Añugu niimi,”

* **10:17** Jer 9.24.

ĩricu niimi. Wiogu, “Añugu niimi,” cū ca ñigu pee, “Añugu niimi,” ñiricu niimi.

11

Pablo, to biri ñi dito bueri maja

¹ Ñi mecũgure biro mujare yu ca ñirijere nũcãña. Uŕgjá. Nũcãcãña petopura. ² Mujare yu ca mai uwa jeorijea, Umureco Pacu yeeru doo. Jĩcãrena Cristo wadore ca tuo nunujeeparã mujare yu cuo, jĩcõ wãmo umu mena ca nii ñaatigore biro ca niirãre mujare cãre ami earugu. ³ Biiguru, pino cū ca ñi dito majirije mena tĩrumuru Evare cū ca ñi ditoricarore birora,* maja cãa ñi dito ecori, Cristore añuro tuo nunuje, ñi nũcũ buo, cūja ca tii niirijere tugoeña maa wijia camotatibocuma,” yu ñi uwi. ⁴ Jĩcãrã Cristo yee queti mujare jãa ca wedericarore biro méé mujare cūja ca wedero, ñucã Añuri Yeri yee maquẽre bojorica wãme bue, añurije quetire maja ca tuo juoriquere bojorica wãme pee mujare bue, cūja ca tiirije peera popiye jĩcãto añuro maja tuo nunujeecã. ⁵ Yu pea, jĩcãti uno peera, Jesucristo yee queti wederi maja ca nii majuropeerãre biro ca bii ditorãre yu doca cūmuti. ⁶ Yu ca wederije peera buaro ca ñitigu nii pacagu, yu ca majirije peera do biro ca tiya manigu yu nii. Atere pau wãmeri jãa ca tii niirije mena mujare jãa ññowu.

⁷ ¿Maja peere ca nii majuropeera maja ca nipere ñigu, yu pea watoa macũre biro biicãri, wapa maniora Umureco Pacu yee añurije quetire mujare yu ca wedejata, ñañarije tiigu yu tiijapari? ⁸ Mujare tii nemorugu, aperã Jesucristore ca tuo

* 11:3 Gn 3.

nun̄jeerã, wapa tiirica tiiri yure cãja ca tiicojorijere ñeegu, cãja yeere ãmagure biro yu tiiwu. ⁹ M̄ja p̄topu niigu, apeye uno boo pacagu, j̄cũ uno peerena m̄jare yu j̄ai pato wãcõtiwu. Mani yaarã Macedonia macãrã ca dooricarã earã, yu ca boorijere yure tiicojowa. Niipetirijep̄ra m̄jare yu j̄ai pato wãcõtiwu; to birora yu biicã nun̄a waarucu. ¹⁰ Díamacũra Cristo yee díamacũ ca niirije yure ca niimore birora, j̄cũ uno peera Acaya yepa macãrã, ate: “To biro ca biigu yu nii,” yu ca ñi t̄goeña bayi niirijere, “Yee ñimi,” yure ñi majitima. ¹¹ ¿Ñee tiigu o biirije yu wedeti? ¿M̄jare ca maitigu niiri, to biro yu ñigajati? Æm̄reco Pacu, m̄jare yu ca mairijere majimi. ¹² “Yu ca tii niirijere to birora yu tiicõa niirucu,” ñi ditori maja, jãare biro biirugarã, cãja majuro cãja ca tii niirijerena “O biro ca biirã jãa nii,” ca ñirã, do biro cãja ca tii majitipere biro ñigu.

¹³ To biro ca ñirã, añurije quetire wede doti cojoricarã majurope méé, ñi ditori maja, Cristo cã yee añurije quetire cã ca wede doti cojoricarãre biro ca bii ditorã niima. ¹⁴ Atea ca bii majiña manirije uno méé nii. Satanás'p̄ra, Æm̄reco Pacu p̄to macũ añugure birora biicã majimi. ¹⁵ To biri cãre pade bojari maja cãa, añurije maquẽre paderi majare birora cãja ca biirijea ca majiña manirije uno méé nii. To biri ñañaro cãja ca tiiricarore birora, ñañaro tii ecorucuma.

Pablo ñañaro cã ca tam̄orique

¹⁶ J̄cũ uno peera “ ‘Ca mecũgu niimi,’ yure cã ñiticãjato,” m̄jare yu ñi ñucã. To biro yure m̄ja ca ñijata, “Ca mecũgure birora cã ñicãjato,” yure ñicãña,

yɛ cãa petopɛra, “O biro ca biigɛ yɛ nii,” yɛ ca ñipere biro ñirã. ¹⁷ O biri wãme biicãri, “O biro ca biigɛ yɛ nii,” yɛ ca ñijata, Wiogɛ cũ ca boorije ɛno méere ñigɛ yɛ ñi. Yɛ ca ñi yeerijere biro pee nii. ¹⁸ Paɛ, cãja yee maquẽ cãja ca bii niirijerena wederique paioma. Yɛ cãa to birora yɛ ñirucu. ¹⁹ Bɛaro ca majirã mɛja nii. Bii pacarã ca ñi mecũrãrena añuro mɛja tɔo nɛnɛjee. ²⁰ Ñucã mɛjare doti epe, mɛjare pade doti epe, mɛja yeere jeecã, ñañaro mɛjare tii epe, mɛjare paacã, ca tiirãpɛ cãare añuro cãjare mɛja tɔo nɛnɛjee. ²¹ Atere ñiruga bobo pacagɛ, “Jãa pea to biro biirɛgarã ca tɔgoeña bayitirã peti jãa niicãwɛ,” yɛ ñi.

Aperã, “O biro ca biirã jãa nii,” cãja ca ñijata, yɛ cãa to birora yɛ ñirucu, atea ñi mecũriquerere biro ca nii pacaro. ²² “Hebreos cãja ca niijata, yɛ cãa hebreo bojocɛra yɛ nii. Israelitas cãja ca niijata, yɛ cãa israelita bojocɛra yɛ nii. Abraham pãramerã cãja ca niijata, yɛ cãa Abraham pãramira yɛ nii. ²³ Cristore pade bojari maja cãja ca niijata, yɛ doca cãja ametɛenero Cristore pade bojari majɛ yɛ nii. Atere ñigɛ, ca ñi mecũgɛre biro ñi pacagɛ, yɛ cãja ametɛenero pade, cãja ametɛenero paɛ tiiri tia cũu eco, cãja ametɛenero ñañaropɛ bape eco, paɛ tiiri, cãja ca jãarɛgaro uwioro bii, yɛ biiwɛ. ²⁴ Judíos baperã treinta y nueve niirije peti cãja ca baperijere jĩcã amo cõro niirije peti yɛ bape ecowɛ. ²⁵ Itiati peti yucɛgɛ mena yɛre paawa. Jĩcãti ɛtãgaari mena yɛre deewa. Itiati peti yɛ duawɛ. Dia pairi yaapɛ jĩcã rɛmɛ, jĩcã ñami, bii paja yuju dua yai boo, yɛ biiwɛ. ²⁶ Yɛ ca catiri rɛmɛrere to birora aperopɛ waacoarucu,

doocã doorucu biigu, ca uwioçãro diaripu, jee dutiri maja cãja ca uwioçãro, yu yaarã judíos'ra cãja ca uwioçãro, judíos ca niitirã cãja ca uwioçãro, macãpu cãare ca uwioçãro, ca bojoca maniropu cãare, dia pairi yaapu cãare, ñucã Jesucristo yaarãre biro ca bii ditorã cãja ca uwioçãro yu waa yujuwu. ²⁷ Bũaro pade, ñañoaro tamuo, pañu tiiri cãniri méé bii, queya, oco jiniruga, pañu tiiri baari méé bii, ñañoaro yuñu bũu nucũ yuju, juti boo paca, yu biirucuwu. ²⁸ Apeyera ñucã to cãnacã rumura nipetirã Jesucristore ca tuo nunjeerãre tugoeñama ñigu, bũaro yu tugoeña yaja pua. ²⁹ Jĩcũ cũ ca tugoeña bayitijata, yu cãa cãre birora yu bii. Jĩcũ unore ñañoaro cũ ca tiiro cãja ca tijata, cãja menare bũaro yu ajia.

³⁰ “O biro ca biigu yu nii,” yu ca ñirugajata, ca tugoeña bayitigure biro yu ca niirije peere, “O biro ca biigu yu nii,” yu ñirucu. ³¹ Umareco Pacu, mani Wiogu Jesús Pacu, to birora ñi nucũ buocõa niiricu, yu ca ñi ditotirijere majimi.

³² Damascopu yu ca niiro, wiogu Aretas cũ ca doti niiri yeparare ca niiri yepa macãrãre ca juo niigu,† yure cãja ñeejato ñigu uwamarãre joperire cote dotiupi. ³³ Yu peera piwupu ami jãari, tii macãre ca nii amojoderi tãdi macã joperu yure yoo duwioçã cojowa. O biro bii, yure ca ñeerugarãre yu duticoawu.†

12

† 11:32 Gobernador. † 11:33 “Damascore eagu, do biro ca tiya manigure biroru tugoeña ñjea nii pacagu, cã, ca ñiña manigure biro piwupu yure cãja ca yoo duwio cojoro yu duti catiwu.” Hch 9.23-25.

Ca biipere Pablo cã ca ĩarique

¹ Y_u majuropeera, “O biro ca biig_u y_u nii,” ĩirique menara, ñee uno bũaña mani. To ca bii pacaro, Wiog_u ca biipere y_ure ĩño, y_ure majio, cã ca tiiriquere y_u wederucu. ² Jĩcã Cristore ca tuo nun_ujeeg_u, Umureco Pac_u cã ca niiri taber_u ca ami waa ecoric_ure y_u maji. Tee ca biiricaro jiro p_ua amo peti, d_upore baparica penituario ca niiri cãmari amet_ua. Y_u majiti, ati up_u menara ami waa ecog_u, cã yeri wadore ami waa ecog_u, biijacupi.* Umureco Pac_u wado majimi. ³ To biro ca biiric_ure y_u maji, ati up_u menara ami waa ecog_u, cã yeri wadore ami waa ecog_u, biijacupi. Umureco Pac_u wado majimi. ⁴ Ca aũu amet_ueneri taber_u† ami waa ecori, to biro ĩir_ugaro ĩi, ca ĩi majiña manirije, jĩcã bojoc_u uno peera ca wedeya manirijere t_uoupi. ⁵ Jĩcã to biro ca biiric_u docare, “To biro ca biig_u niimi,” y_u ĩi maji. Y_u yee maquẽ peera jĩcã wãme uno peera, “To biro ca biig_u y_u nii,” y_u ĩiti, ca t_ugoeña bayitig_u y_u ca niirije pee docare, to birora y_u ĩi. ⁶ “To biro ca biig_u y_u nii,” y_u ca ĩijata, watoara ĩi mec_ug_u méé, díamac_ura ĩig_u y_u ĩibocu. Bii pacag_u y_u ĩiti, jĩcã uno peera, “Cã ca bii niirije, cã ca ĩirije, amet_uenerop_u ĩicãmi,” y_ure cãja ca ĩi t_ugoeñatipere biro ĩig_u.

⁷ Ate aũurije y_ure ca bii ĩñorijere y_u ca ĩarique juori, “O biro ca biig_u y_u nii,” ĩi amet_uene n_ucãremi ĩima ĩiro, potaga up_ure b_uaro ca puniro cõro ca punirijere y_u tam_uow_u, Satanás ñañoaro y_ure tiirug_u cã ca tiirijere. ⁸ Itiati peti tee ñañoaro y_u ca tam_uorijere

* **12:2** Pablo, cãra cã ca biiriquerena cã ca ĩirique nii. † **12:4** Paraiso.

cã ametuenejato ñigu, Wiogure yu jãimiwu. ⁹ Wiogu pea o biro yure ñiwi: “Mure yu ca mairije menara añucã. Tugoeña bayitiricaro peera yu ca tutuarije añuroyu bii bau nii ea.” To biri ca tugoeña bayitigu yu ca niirije peere, ujea niirique mena, “O biro ca biigu yu nii,” yu ñi, Cristo cũ ca tutuarije yure ca niicõa niipere biro ñigu. ¹⁰ Tee juori, yu ca tugoeña bayitirijere, yure cũja ca acaro bui tutirijere, yu ca apeye boo pacarijere, ñañoaro yure cũja ca tiiruga nuñujeerijere, Cristo juori ñañoaro yu ca tamorijere, buaro yu ujea nii. Ca tugoeña bayitigu niigu peera, buaro yu tutua.

Corinto macãrã juori, Pablo cũ ca tugoeña pairique

¹¹ Ca mecãgure biro yu biiwu; mujara to biro yu ca biiro yure mija tiiwu. Mija peera yu yee maquere añuro ca wedeparã mija niimiwu. Watoa macũ nii pacagu, jicã wãme uno peerena, “Jesucristo yee queti wederi maja ca nii majuropeerã jãa nii,” ca ñirãre yu doca cũmuti. ¹² Mija ruropare, ñañoaro tamuo pacagu tugoeña bayi, ca ña ñaaña manirijere tii bau nii yu ca tiirijera, Jesucristo yee queti wederi maju peti yu ca niirijere mujare bii ñowu. ¹³ Mija, ¿ñee peere aperã Jesucristore ca tuo nuñujeerã ñuaro mija biiri? Yu majuropeera mujare wapa jãi pato wãcõ yu tiitiwu. Ñañoaro mujare yu ca ñijata, teere yure acoboya.

¹⁴ Mee, itiati mujare ñagu waarugũ queno yuegu yu tii. Mecũ cãare yu jãi pato wãcõtirucu. Mija ca ruorijere yu amaati, mujarena yu amacã. Cũja pacua pee niima, cũja puna yee ca niipe wapa tiirica tiirire ca jee neorã. Cũja puna pee cũja

pacua yee ca niipere jee neotima. ¹⁵ Y_u ca caorije niipetiro añuri wãme mena m_ujare y_u tii nemorucu. Ñucã añuro m_uja ca niipere ïma ïgu, y_u majuropeep_u cãa, y_u ca bayiro cõro m_ujare y_u tii nemorucu. B_uaro m_ujare y_u ca mai pacaro, ¿m_uja pea petoacã y_ure m_uja mairãti? ¹⁶ Y_ua, jĩcãti ãno peera m_ujare jãi pato wãcõ y_u tiitiw_u. ¿Ca ïi dito majigu niiri, m_uja yeere jeerug_u m_ujare y_u ïi ditori? ¹⁷ Jĩcãrã m_uja p_uto y_u ca tiicojo cojoricarã mena, ¿m_ujare y_u ïi ditoupari? ¹⁸ Titore m_uja p_utop_u ïa doti cojogu, cã mena apĩ mani y_uu Jesucristore ca t_uo n_un_ujeeg_ure y_u tiicojow_u. ¿To docare Tito, ïi ditorique mena m_uja yee wapa tiirica tiirire cã jeeri? ¿Jãa p_uarãp_ura, jĩcã peere biro t_ugoeñarique cãtiri, jĩcã wãmera jãa tii n_un_ua waatiti?

¹⁹ Ape tabera, “Añuro jãare cãja ïjato ïirã, to biro ïima,” jãare m_uja ïi t_ugoeñacu. To biro méé bii: Cristo yaarãre birora, Æm_ureco Pac_u cã ca ïa cojorora jãa wede. Y_u yaarã y_u ca mairã, niipetiro jãa ca tii niirijea, añuro m_uja ca nii n_un_ua waape maquë niiro bii. ²⁰ M_uja p_utop_u y_u ca ïagu waaro, y_u ca boorore biro b_ua eati, y_u pee cãa m_uja ca boorore biro biiti, biibocu ïima ïigu, y_u uwi jañu. Ñucã jĩcãri cõro ca nii majiña manirije, ïa tutirique, ajiarique, ïa ugorique, queti pairique, wede pairique, “O biro ca biirã jãa nii,” ïirique, añuro ca nii majiña manirije, niibocu ïima ïigu, y_u uwi jañu. ²¹ Ñucã jiro m_ujare y_u ca ïagu waaro, y_u Æm_ureco Pac_u, m_uja ca ïa cojoro boboro y_u ca tam_uoro y_ure tii, y_u pea p_uu j_uguerop_u ñañarije cãja ca tiirucurique, tiirica wãme cõro méér_u ñee

epericarã cuti yai waarique, cãja ca tiirucuriquere cãja ca tii niirijere, “Cãja ca tãgoeña yeri wajoatiro bũaro yũ otibocu,” yũ ïi uwi.

13

Wede majio yapanorique

¹ Ano yũ ca waape mena itiati mũjare ïagu waagu doogu yũ tii. Pũarã, itiarã ca ïaricarã cãja ca wede nemorije mena niipetirijepũra, “To biro bi-irucu,” ïirique niirucu. ² Mũjare pũati yũ ca ïagu earica tabere, mee yũ wede majio yerijãawũ. Mecũ yoaropũ niigu cãa, yũ ïi nemo cojo ñucã. Jiro mũja pũtopũ waagu, jũguero ñañarije ca tiiricarãre, ñucã jĩcũ uno peerena yũ ïa boo pacatirucu. ³ Mũja, Cristo yũ menapũ cã ca wederijere mũja majirũga. Cãa, mũja mena cã ca tii niirijere ca ïi bayitigu mée niimi. Cã ca yeri tutuarijere mũja watoare tii niimi. ⁴ Díamacũra nii, ca ïi bayitigũre biro yucũ tenipũ cã ca paa pua tuu jãa ecoriquea. Mecũra Ɛmũreco Pacũ cã ca tutua majuropeerije jũori catimi. Jãa cãa cã ca ïi bayitiriquere to birora jãa bii nemo nii. To biro bii pacarã Ɛmũreco Pacũ cã ca tutuarije jũori, Cristo mena jãa cati niirucu, mũjare tii nemorũgarã.

⁵ Díamacũ mũja ca tũo nũcũ bũo niirijere to birora jãa tii nũnũjeecõa niimiti ïirã, mũja majuropeera ïa beje ñaña. Mũja majurope ïa cõoñañaqué. ¿Jesucristora mũjarũre cã ca niicãrijere mũja majititi? To birora biimi, díamacũra cũre ca tũo nũnũjeerãra mũja ca niijata. ⁶ Díamacũra cũre ca tũo nũnũjeerãra jãa ca niirijere mũja ca ïa majipere yũ yue. ⁷ Ñañarijere jĩcã wãme uno peerena mũja

ca tiitipere biro ñirã, Æmureco Pacure mjure jãa jãa boja. “Añurije wado ca tiirã jãa nii” ñirã méé jãa ñi, mja peere, “Añurije peere cãja tiijato” ñirã pee jãa ñi, “To biro ñicãrã ñima” cãja ca ñirã nii pacarã. ⁸ Díamacã ca niirijera do biro pee jãa tii camota majiti. Teerena ca tii nemorã niirã jãa bii. ⁹ Jãa pea ca tãgoeña tutuatirã jãa ca niicãro, mja pea ca tãgoeña tutuarã mja ca niirijere, jãa ñjea nii jañu. To biri añurã mja ca nii eapere ñirã, Æmureco Pacure mjure jãa juu bue bojacõa nii. ¹⁰ Ate jãori, mjure ñagũ waarũgũ jãguero yũ owa cojo, toorpũ eagũ, mja ca tão nũnũjeerijere cã tii camotajato ñigũ méé, añuro mja ca bii nũnũa waapere ñigũ, doti majirique Wiogũ yũre cã ca tiicojorique mena tutuaro mjure yũ ca ñi eatipere biro ñigũ.

Añu doti yapanorique

¹¹ Yũ jaarã, to cõrora mjure yũ ñi. Æjea niiña. Añuro mja ca niipere amaña. Mjure yũ ca wede majiorijere tão nũnũjeeya. Jicã peere biro tãgoeñarique cuti, añuro nii, bii niiña. Ameri mairique, jicãri mena añuro niirique Æmureco Pacũ, mja menara niirucumi.

¹² Añuro ameri mairique mena ameri añu dotiya. ¹³ Mani jaarã Cristore ca tão nũnũjeerã niipetirã mjure añu doti kojoma.

¹⁴ Mani Wiogũ Jesucristo cã ca añurije, Æmureco Pacũ cã ca mairije, Añuri Yeri añuro mjure cã ca bapa cuti niirije, mja niipetirã mena to niijato.

To biro to biijato.

Pablo

**Umareco pacu wederique
New Testament in Waimaha**

El Nuevo Testamento en waimaja de Colombia

copyright © 2010 Wycliffe Bible Translators, Inc.

Language: Waimaha

Translation by: Wycliffe Bible Translators, Inc.

Waimaha

Brazil

[bao]

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Waimaha

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files dated 29 Jan 2022

578d10cf-36f5-57a0-9c73-7cf116b01c7e